



**O‘ZBEKISTON RESPUBLIKASI TOSHKENT VILOYATI  
OLMALIQ SHAHAR HOKIMI  
FARMOYISHI**

**Olmaliq shahri, Amir Temur ko‘chasi, 47**

2022 - yil 14 - noyabr

266-10-147-F/22

Olmaliq shahar hokimligi

**Shahar hududida korrupsiyaga qarshi kurashish faoliyatini yanada samarali tashkil etish hamda profilaktik tadbir o‘tkazish to‘g‘risida**

Shahar hududida korrupsiyaning har qanday ko‘rinishlariga nisbatan murosasiz munosabatda bo‘lish va unga qarshi ayovsiz kurashish, korrupsiya holatlarining oldini olish, bunday illatga qarshi murosasiz bo‘lish immunitetini shakllantirish bo‘yicha olib borilayotgan targ‘ibot ishlarini yanada samarali tashkil etish, “Korrupsiyaga qarshi kurashish to‘g‘risida”gi Qonunning 5-moddasi, O‘zbekiston Respublikasi Prezidentining 2022-yil 12-yanvardagi “Korrupsiyaga qarshi kurashish ishlarining samaradorligini reyting baholash tizimini joriy etish chora-tadbirlari to‘g‘risida”gi PQ-81-sonli qarori, Toshkent viloyati hokimining 2022-yil 9-noyabrdagi “Viloyat hududida korrupsiyaga qarshi kurashish faoliyatini yanada samarali tashkil etish hamda profilaktik tadbir o‘tkazish to‘g‘risida”gi 406-10-0-F/22-sonli farmoyishi hamda “Mahalliy davlat hokimiyati to‘g‘risida”gi Qonunning 6-, 25-moddalariga asosan:

1. Toshkent viloyati hokimining 2022-yil 9-noyabrdagi 406-10-0-F/22-sonli farmoyishi va 2022-yil 1-noyabrdagi 1/14-4-6719-sonli yig‘ilish bayoni ma‘lumot va ijro uchun qabul qilinsin.

2. Shahardagi korrupsion holatlarning kelgusida oldini olish maqsadida 2022-yilning 9-noyabr kunidan 9-dekabr kuniga qadar “Korrupsiyaga qarshi kurashish oyligi” profilaktik tadbiri o‘tkazilsin.

3. Quyidagilar:

shahar va tuman hokimliklarida seminar-treningni o‘tkazish rejasi 1-ilovaga;

seminar-treninglarga tavsiya etilgan mavzular ro‘yxati 2-ilovaga;

korrupsiyaga qarshi kurashish ishlarining samaradorligini reyting baholash

yoʻnalishi boʻyicha belgilangan indikatorlar boʻyicha Yoʻl xarita 3-ilovaga muvofiq tasdiqlanganligi inobatga olinsin.

4. “Korrupsiyaga qarshi kurashish oyligi” profilaktik tadbiri davomida:

a) shahar Prokuraturasi, shahar Ichki ishlar boʻlimi, shahar Adliya boʻlimi viloyat hokimining 2022-yil 15-sentabrdagi 511-10-0-Q/22-sonli qarori asosida belgilangan vazifa va funksiyalar (vakolatlar)ni amalga oshirishda yuzaga keladigan korrupsion xavf-xatarlarni baholash ishlarini oʻtkazish, bunda:

davlat xizmatchilarining lavozimlari va faoliyat turlari, shuningdek, ularning vakolatlarini hisobga olib shahar hokimligi korrupsiyaviy xavf-xatarga moyil lavozimlar va faoliyat turlari roʻyxatini shakllantirib, kamaytirish boʻyicha dastur ishlab chiqilsin;

korrupsiyaviy huquqbuzarliklar, ularni sodir etishga imkon yaratuvchi sabablar va shart-sharoitlarni aniqlansin;

shahar tashkilot va idora rahbarlari xodimlari bilan har chorakda kamida bir marotaba korrupsiyaga qarshi kurashish sohasida davra suhbatlari oʻtkazib borsin;

korrupsiya holatlarini barvaqt aniqlash va oldini olish, ularning sabab va shart-sharoitlarini bartaraf etish, manfaatlar toʻqnashuviga yoʻl qoʻymaslik hamda korrupsiyaga nisbatan murosasiz munosabatni shakllantirsin;

Xalq deputatlari shahar Kengashining “Sud-huquq masalalari va korrupsiyaga qarshi kurashish” boʻyicha doimiy komissiyasi:

mansab vakolatini suiisteʼmol qilish, idoralarning mansabdor shaxslari tomonidan jismoniy va yuridik shaxslarning huquqlarini buzilish holatlari yuzasidan soʻrovnoma va boshqa jamoatchilik nazorati natijalari oʻrganilsin;

korrupsiya holatlarini tizimli tahlil qilish, shuningdek, korrupsiyaga oid xavf-xatarlar yuqori boʻlgan sohalar hamda korrupsiyaga oid huquqbuzarliklar sodir etilishining sabab va shart-sharoitlari aniqlansin;

2022-yilning 10 oyi davomida korrupsiyaga qarshi kurashishda korrupsiyaning holatini, uning jihatlarini, koʻlamini, oʻsish surʼatlarini hamda tendensiyalarini, shuningdek, korrupsiyaga qarshi kurashish sohasida olib borilayotgan davlat siyosatining samaradorligini shahar hamda sohalar kesimida oʻrganishni nazarda tutuvchi ijtimoiy, maxsus, ilmiy va boshqa tadqiqotlar oʻtkazilsin;

b) shahar Adliya bo‘limi (Umarov):

Davlat xizmatchilarining huquqiy ongi va huquqiy madaniyatini yanada yuksaltirish, ularda korrupsiya va boshqa huquqbuzarliklarga nisbatan murosasiz munosabatni shakllantirish, seminarlar va “davra suhbatlari” tashkil etish orqali manzilli huquqiy targ‘ibot tadbirlari o‘tkazsin;

aholining huquqiy ongi va huquqiy madaniyatini yuksaltirishga hamda qonuniylikni mustahkamlashga, fuqarolarga qonunga hurmat va qonun buzilishining har qanday ko‘rinishiga murosasizlik munosabatini singdirishga qaratilgan targ‘ibot tadbirlari tegishli idora va tashkilotlar bilan birgalikda ommaviy axborot vositalarida alohida reja asosida yoritib borilsin;

korrupsiyaga qarshi kurashish sohasida davlat organlari hamda tashkilotlar mansabdor shaxslarining huquqiy savodxonligi va huquqiy bilimlarini oshirishga qaratilgan kompleks tadbirlar ishlab chiqilsin va amalga oshirilishi ta‘minlansin;

v) shahar hokimligi va shahar hududidagi korxonalar, tashkilot, muassasalar rahbarlari hamda korrupsiyaning oldini olish va xodimlarning korrupsion xatti-harakatlariga yo‘l qo‘ymaslik maqsadida, idora va muassasalarning bino va inshootlarida axborot stendlari, ijtimoiy reklama plakatlarini joylashtirilishini ta‘minlasin.

5. Shahar Prokuraturasi, shahar Adliya bo‘limi 9-dekabr – “Xalqaro korrupsiyaga qarshi kurashish kuni” munosabati bilan shahar hududida tadbirlar o‘tkazilishini tashkil etsin va ushbu tadbirlarni yuqori saviyada o‘tkazilishini ta‘minlasin.

6. Shahar hokimi o‘rinbosari (Axmedov), Yoshlar ishlari agentligi (Alimov) va ta‘lim muassasalari bilan birgalikda:

oliy va kasb-hunar ta‘limi muassasalari talabalari, o‘quvchilaridan iborat “Yoshlar korrupsiyaga qarshi” nomli talabalar klubi tashkil qilinsin;

“Korrupsiya taraqqiyot dushmani” mavzusida “Yoshlar press” klubining maxsus sessiyasi o‘tkazilsin;

yoshlar o‘rtasida “Korrupsiyaga qarshi eng yaxshi innovatsiya” tanlovi o‘tkazilsin;

yoshlarni korrupsiyaga qarshi kurashish mavzusidagi ijtimoiy tadbirlarga (to‘garaklar, forumlar va boshqalar) keng jalb qilish hamda yoshlar o‘rtasida

korrupsiyaga qarshi kurash bo'yicha shahar tanlovlari o'tkazilishi ta'minlansin.

7. Shahar hokimi matbuot kotibi – Axborot siyosati masalalari bo'yicha maslahatchisi (Ro'ziyeva) ommaviy axborot vositalari orqali shahar hududidagi korrupsiyaga qarshi kurashish bo'yicha amalga oshirilayotgan ishlarni keng yoritilishi ta'minlasin.

8. Shahar Prokuraturasi, shahar Ichki ishlar bo'limi, shahar Adliya bo'limi, shahar hokimining matbuot kotibi – Axborot siyosati masalalari bo'yicha maslahatchisi (Ro'ziyeva):

“Korrupsiya sohasidagi qonunchilik yangiliklari”, “Korrupsiya – jamiyat kushandasi”, “Korrupsiyaga qarshi kurashish barchamizning burchimiz”, “Biz korrupsiyaga qarshimiz!” kabi turli mavzularda kamida 5 ta ijtimoiy va animatsion videorolik hamda huquqiy targ'ibot materiallarini tayyorlasin hamda ommaviy axborot vositalari, ijtimoiy tarmoqlar orqali aholiga yetkazib borsin.

9. Shahar hokimligi korrupsiyaga qarshi kurashish masalalari bo'yicha bosh mutaxassis (Shanayev) O'zbekiston Respublikasi Prezidentining 2022-yil 12-yanvardagi “Korrupsiyaga qarshi kurashish ishlarining samaradorligini reyting baholash tizimini joriy etish chora-tadbirlari to'g'risida” PQ–81-sonli va 2022-yil 11-maydagi PQ-240-sonli qarorlari talablariga asosan viloyat hokimining 2022-yil 11-fevraldagi 84-10-0-Q/22-sonli hamda 2022-yil 15-sentabrdagi 511-10-0-Q/22-sonli qarorlari ijrosi muddatida va sifatli ta'minlanib, amalga oshirilgan ishlar yuzasidan viloyat korrupsiyaga qarshi kurashish ichki nazorat sho'basiga ma'lumotlar taqdim etib borsin.

10. Ushbu farmoyishning ijrosini nazorat qilish shahar hokimining birinchi o'rinbosari Sh.Begiyev zimmasiga yuklansin.

**Olmaliq Shahar Hokimi**



**Q.Xamdamov**

Olmaliq shahar hokimining  
2022 yil 14 noyabrdagi  
266-10-147-F/22-son farmoyishiga  
1-ilova

**2022-yilning 9-noyabr kundan 9-dekabr kuniga qadar “Korrupsiyaga qarshi kurashish oyligi” profilaktik tadbiri davomida shahar hokimligida seminar-trening o‘tkazish**

**R E J A S I**

<b>T/r</b>	<b>Shahar va tumanlar nomi</b>	<b>O‘tkazish sanasi</b>	<b>O‘tkazish mas’ullar (<i>ma’ruza bilan ishtirok etadi</i>)</b>
1.	Olmaliq shahar	2022-yil 16-noyabr	hokim, prokuror, Ichki ishlar bo‘limi boshlig‘i, adliya bo‘limi boshlig‘i, xalq deputatlari tuman (shahar) Kengashi kotibiyati

**Izoh: seminar-trening xalq deputatlari tuman (shahar) Kengashi deputatlari, sektor rahbarlari, hokimlik apparat xodimlari, korxonalar, tashkilot va muassasa rahbarlari ishtirok etishi tavsiya etiladi.**

**Tuman va shahar hokimliklarining Tashkiliy-kadrlar guruhi tomonidan tashkillashtiriladi.**

**O‘tkazilgan seminar natijasi to‘g‘risidagi fotolavhalar va bayonnoma viloyat hokimligiga taqdim etib boriladi (*hokimlik rasmiy veb saytiga joylashtiriladi*).**

Olmaliq shahar hokimining  
2022 yil 14 noyabrdagi  
266-10-147-F/22-son farmoyishiga  
2-ilova

**2022-yilning 9-noyabr kundan 9-dekabr kuniga qadar “Korrupsiyaga qarshi kurashish oyligi” profilaktik tadbiri davomida seminar-treninglarga tavsifa etilgan mavzular ro‘yxati**

T/r	Mavzular nomi	Komponentlar
1.	<b>Korrupsiya va poraxo‘rlik tabiati</b>	Korrupsiya, poraxo‘rlik (korrupsion harakatlar) tushunchasi, shakllari va sabablari
2.	<b>Korrupsiya va poraxo‘rlikka qarshi kurashishning huquqiy asoslari</b>	Korrupsiyaga qarshi kurashishning huquqiy asoslari va mexanizmlari Komplayens-nazorat tizimi tushunchasi, maqsadi, ishtirokchilari va tartibga solish asoslari. Xalqaro korrupsiyaga qarshi amaliyot.
3.	<b>Korrupsiyaga qarshi kurashish yo‘llari</b>	Korrupsiyaga qarshi kurashish bo‘yicha qabul qilingan (viloyat hokimining 11.02.2022-yil 84-10-0-Q/22-sonli qarori) ichki idoraviy hujjatlar mazmun-mohiyati
4.	<b>Korrupsion harakatlar uchun javobgarlik</b>	O‘zbekiston Respublikasida Korrupsiyaga qarshi kurashish sohasidagi davlat siyosatining asosiy yo‘nalishlari Korrupsion harakatlar uchun intizomiy javobgarlik Korrupsion harakatlar uchun jinoiy javobgarlik
5.	<b>Korrupsiyaga qarshi fuqarolik jamiyati</b>	Jamoatchilik nazorati korrupsiyaga qarshi kurash vositasi sifatida Fuqarolarning huquqiy madaniyatini takomillashtirish; Korrupsiyaga qarshi jamoatchilik fikri va xulq-atvorini shakllantirish Korrupsiya va poraxo‘rlikning mazmuni ijtimoiy-huquqiy hodisa sifatida; jamiyatdagi korrupsion harakatlarga munosabat

**Izoh: Mavzular dolzarbligiga qarab o‘zgarishi mumkin.**

Olmaliq shahar hokimining  
2022 yil 14 noyabrdagi  
266-10-147-F/22-son farmoyishiga  
3-ilova

**Korrupsiyaga qarshi kurashish ishlarining samaradorligini reyting baholash yo‘nalishi bo‘yicha belgilangan indikatorlar bo‘yicha**

**YO‘L XARITA**

T/r	<b>Tadbirlar nomi</b> <i>(O‘zbekiston Respublikasi Prezidentining 2022.12.01. PQ–81-sonli (viloyat hokimining 2022-yil 25-yanvardagi 10-10-0-Q/22-sonli) qarori bilan tasdiqlangan Indikatorlar)</i>	<b>Viloyat hokimligiga taqdim etish shakli</b>	<b>Bajarish muddati</b>	<b>Bajarishga mas‘ullar</b>
<p><b>Birinchi yo‘nalish, davlat tashkilotlarida korrupsiyaga qarshi kurashish bo‘yicha mexanizm va huquqiy asoslarning yaratilganligi va amaliyotga tatbiq etilganligi.</b></p> <p><b>1.1. Korrupsiyaga qarshi kurashish bo‘yicha ichki idoraviy hujjatlarning ishlab chiqilganligi va o‘z vaqtida yangilab borilishi</b></p>				

1.	<p>1.1.1. Davlat organlari va tashkilotlari, shu jumladan mahalliy davlat hokimiyati organlarida korrupsiyaga qarshi kurashish bo'yicha quyidagi ichki idoraviy hujjatlarning mavjudligi va zaruratga qarab yangilanib borilishi:</p> <ul style="list-style-type: none"> <li>- korrupsiyaga qarshi kurashish siyosati;</li> <li>- odob-axloq qoidalari;</li> <li>- korrupsiyaviy xavf-xatarlarni baholash uslubiyoti;</li> <li>- manfaatlar to'qnashuvini boshqarish bo'yicha nizom;</li> <li>- aloqa kanallari orqali korrupsiyaviy xatti-harakatlar to'g'risida kelib tushgan xabarlarni qabul qilish va ko'rib chiqish reglamenti;</li> <li>- xodimlarining korrupsiyaga qarshi kurashish sohasida o'qitilishini tashkil qilish bo'yicha yo'riqnoma;</li> <li>- kontragentlarni tekshirishga oid yo'riqnoma;</li> <li>- ishga qabul qilinayotgan nomzodlarni tekshirish bo'yicha yo'riqnoma;</li> <li>- korrupsiyaga qarshi kurashish samaradorligini monitoring va nazorat qilish uslubiyoti;</li> <li>- korrupsiyaga qarshi kurashish tizimining holati haqidagi hisobotni shakllantirish va taqdim etish reglamenti;</li> <li>- korrupsiyaviy xatti-harakatlar va odob-axloq qoidalarini buzish holatlari ustidan xizmat tekshiruvlari o'tkazish bo'yicha reglament;</li> <li>- davlat xaridlarini o'tkazish to'g'risidagi nizom.</li> </ul>	Tasdiqlangan hujjatlarning elektron shakli ilova qilinadi	2022.30.12. gacha va har chorak yakuni bilan	Shahar hokimligi korrupsiyaga qarshi kurashish masalalari bo'yicha bosh mutaxassisi
<b>1.2. Korrupsiyaga qarshi kurashish bo'yicha ichki idoraviy mexanizmlarning joriy etilganligi</b>				

2.	1.2.1. Korrupsiya haqida xabar berishga mo'ljallangan aloqa kanallari 1.2.1.1. Korrupsiya haqida xabar berishga mo'ljallangan aloqa kanallari: kamida 4 ta aloqa kanali ( <i>masalan, rasmiy veb-sayt, ijtimoiy tarmoqlardagi sahifa, ishonch telefoni, elektron manzil</i> )ning tashkil etilganligi.	Aloqa kanallari havolasi ilova qilinadi	2022.30.12. gacha va har chorak yakuni bilan	Shahar hokimining matbuot kotibi - Axborot siyosati masalalari bo'yicha maslahatchisi
3.	1.2.1.2. Rasmiy veb-saytda va boshqa OAVlarda korrupsiya haqida xabar berishga mo'ljallangan aloqa kanallari haqidagi ma'lumotlarning, shuningdek, korrupsiyaga qarshi ichki idoraviy hujjatlarning joylashtirilganligi	Veb-sayt va boshqa OAVlardagi ma'lumotlar havolasi ilova qilinadi	2022.30.12. gacha va har chorak yakuni bilan	Shahar hokimining matbuot kotibi - Axborot siyosati masalalari bo'yicha maslahatchisi
4.	1.2.1.3. Rasmiy veb-saytda korrupsiya faktlariga doir murojaatlarni ko'rib chiqish natijalari haqidagi yillik hisobotning mavjudligi.	Veb-saytdagi ma'lumotlar havolasi ilova qilinadi	2022.30.12. gacha va har chorak yakuni bilan	Shahar hokimligi korrupsiyaga qarshi kurashish masalalari bo'yicha bosh mutaxassisi
<b>1.2.2. Kadrlarga oid masalalarda korrupsiyaga qarshi kurashish tizimining joriy etilishi</b>				
5.	1.2.2.1. kadrlarni tanlov asosida qabul qilish tizimining mavjudligi.	Vakant o'rinlariga o'tkazilgan tanlov materiallari ( <i>suhbat yoki test bayonnomalari, video material</i> ) ilova qilinadi	2022.30.12. gacha va har chorak yakuni bilan	Shahar hokimligi Tashkiliy-kadrlar guruhi
6.	1.2.2.2. Rasmiy veb-saytda ishga qabul qilish, rotatsiya to'g'risidagi e'lonlar va axborotlarning mavjudligi.	Veb-saytidagi ma'lumotlar havolasi ilova qilinadi	2022.30.12. gacha va har chorak yakuni bilan	Shahar hokimligi Tashkiliy-kadrlar guruhi

7.	1.2.2.3. Mehnat shartnomalariga korrupsiyaga qarshi shartlarning kiritilganligi.	Korrupsiyaga qarshi shartlar bilan mehnat shartnomasida tanishganligini imzosi bilan tasdiqlagan xodimlar ro'yxati ilova qilinadi	2022.30.12. gacha va har chorak yakuni bilan	Shahar hokimligi Tashkiliy-kadrlar guruhi
8.	1.2.2.4. Korrupsiya holatlari haqida xabar berish mexanizmi, xabar bergan xodimlarni rag'batlantirish, ularning ta'qibga olinmasligi kafolatining mavjudligi.	Mazkur masalalarni tartibga soluvchi ichki reglament, xodimlar ro'yxati va statistik ma'lumotlar ilova qilinadi ( <i>Vazirlar Mahkamasining 31.12.2020 yildagi 829-son qarori asos, viloyat hokimining korrupsiyaga qarshi kurashish hududiy kengashining 18.04.2022-yil 18-son bayoni</i> )	2022.30.12. gacha va har chorak yakuni bilan	Shahar hokimligi korrupsiyaga qarshi kurashish masalalari bo'yicha bosh mutaxassisi
<b>1.2.3. Davlat tashkilotlarida manfaatlar to'qnashuvini hal qilishning tashkiliy-huquqiy asoslarini takomillashtirish, ularga rioya etilishi yuzasidan monitoring o'tkazilishini ta'minlash</b>				
9.	1.2.3.1. Xodimlar tomonidan manfaatlar to'qnashuvi to'g'risidagi deklaratsiyani to'ldirish (yilda bir marotaba).	Ishga qabul qilishda, lavozimi o'zgarayotganda, rotatsiya qilinayotganda va yillik deklaratsiyani to'ldirgan xodimlarning kadrlar bo'limi tomonidan tasdiqlangan ro'yxati ilova qilinadi	2022.30.12. gacha va har chorak yakuni bilan	Shahar hokimligi Tashkiliy-kadrlar guruhi

10.	1.2.3.2. Ishga qabul qilinuvchi nomzodlar ustidan o'tkazilgan tekshiruvlar soni.	Ishga qabul qilinuvchi nomzodlarga nisbatan o'tkazilgan tekshiruvlar to'g'risida xulosalar soni ko'rsatiladi	2022.30.12. gacha va har chorak yakuni bilan	Shahar hokimligi Tashkiliy-kadrlar guruhi
11.	1.2.3.3. Aniqlangan manfaatlar to'qnashuvi holatlari va uni tartibga solish bo'yicha qabul qilingan choralar.	Aniqlangan manfaatlar to'qnashuvi holatlari reestri ilova qilinadi	2022.30.12. gacha va har chorak yakuni bilan	Shahar hokimligi Tashkiliy-kadrlar guruhi
12.	1.2.3.4. Kontragent ( <i>lot. contrahens-shartnomalashuvchilar</i> ) ustidan o'tkazilgan tekshiruvlar soni	Kontragentlarni tekshirish reestri, hisobot davrida o'tkazilgan kontragentlar tekshiruvlar soni, tekshiruvlar natijalari bo'yicha ijobiy va salbiy xulosalar nusxasi ilova qilinadi	2022.30.12. gacha va har chorak yakuni bilan	Shahar hokimligi korrupsiyaga qarshi kurashish masalalari bo'yicha bosh mutaxassisi, shahar Ichki ishlar bo'limi
<b>1.2.4. Davlat tashkilotlari faoliyatida korrupsiyaning oldini olishga doir tadbirlarning amalga oshirilishi yuzasidan ushbu tashkilot tomonidan ko'rilayotgan chora-tadbirlar samaradorligini baholagan holda muntazam ravishda monitoring o'tkazish</b>				
13.	1.2.4.1. Korrupsiyaga qarshi kurashish tizimining holati haqidagi hisobotlarning mavjudligi va sifatli to'ldirilganligi.	Korrupsiyaga qarshi kurashish tizimining amal qilishi haqida umumiy hisobot hamda korrupsiyaga qarshi davlat dasturida nazarda tutilgan chora-tadbirlarning ijrosi haqida hisobot ilova qilinadi	2022.30.12. gacha va har chorak yakuni bilan	Shahar hokimligi korrupsiyaga qarshi kurashish masalalari bo'yicha bosh mutaxassisi

14.	1.2.4.2. Korrupsiyaga qarshi tartib-taomillarning samaradorligini monitoring va nazorat qilish bo'yicha rejadagi tadbirlarning bajarilganligi.	Reja ( <i>tashkilotning barcha jarayonlarini, monitoring va nazorat qilinadigan davri va tekshiruv muddatlarini o'z ichiga olgan</i> ) va uning ijrosini tasdiqlovchi hujjatlar ilova qilinadi	2022.30.12. gacha va har chorak yakuni bilan	Shahar hokimligi korrupsiyaga qarshi kurashish masalalari bo'yicha bosh mutaxassisi
15.	1.2.4.3. Hisobot davrida aloqa kanallari orqali kelib tushgan korrupsiyaga oid xabarlar bo'yicha va monitoring natijalariga ko'ra korrupsiyaviy harakat deb hisoblangan holatlar yuzasidan xizmat tekshiruvlari o'tkazilganligi. Korrupsiyaga qarshi kurashishga oid qonunchilikning buzilganligi to'g'risida tasdiqlangan holatlarning (qonunchilik hujjatlari kesimida) aniqlanganligi. Davlat tashkilotlarida tasdiqlangan korrupsiyaga qarshi kurashish bo'yicha nazorat va tartib-taomillarning buzilish holatlari (ichki hujjatlar kesimida), korrupsiyaviy xatti-harakatlarga yo'l qo'yilganlik holatlarining aniqlanganligi.	Aloqa kanallari orqali kelib tushgan xabarlarni ro'yxatga olish reestri, xizmat tekshiruvlari reestri nusxasi ilova qilinadi. Aybdorlar aniqlangan holatlar soni band bo'yicha bo'lib ko'rsatiladi	2022.30.12. gacha va har chorak yakuni bilan	Shahar hokimligi korrupsiyaga qarshi kurashish masalalari bo'yicha bosh mutaxassisi
16.	1.2.4.4. Korrupsiyaga oid qonunchilik va ichki idoraviy talablarni buzgan xodimlarga qo'llanilgan jazolar.	Kadrlar bo'limi tomonidan tasdiqlangan korrupsiyaga qarshi kurashishga oid qonunchilik va ichki idoraviy talablarni buzgan xodimlar soni hamda ularga qo'llanilgan choralar ko'rsatilgan ro'yxat	2022.30.12. gacha va har chorak yakuni bilan	Shahar hokimligi korrupsiyaga qarshi kurashish masalalari bo'yicha bosh mutaxassisi

**Ikkinchi yo‘nalish, korrupsiyaviy xavf-xatarlarni aniqlash, baholash va ularni kamaytirish bo‘yicha tadbirlarning amalga oshirilganligi**

17.	2.1. Davlat tashkilotining barcha funktsiya va vazifalarida korrupsiyaviy xavf-xatarlarni aniqlash bo‘yicha baholash o‘tkazilganligi ( <i>viloyat hokimining 15.09.2022-yil 511-10-0-Q/22-sonli qarori ilovasi</i> ).	Korrupsiyaviy xavf-xatarlar xaritasi, korrupsiya xavfiga eng ko‘p moyil bo‘lgan funktsiya va lavozimlar ro‘yxati ilova qilinadi	2022.30.12. gacha va har chorak yakuni bilan	Shahar hokimligi korrupsiyaga qarshi kurashish masalalari bo‘yicha bosh mutaxassisi
18.	2.2. Aniqlangan korrupsiyaviy xavf-xatarlarni kamaytirish bo‘yicha ko‘rilgan choralar ( <i>viloyat hokimining 15.09.2022-yil 511-10-0-Q/22-sonli qarori ilovasi</i> ).	Korrupsiyaga qarshi kurash dasturi (Yo‘l xaritasi) va uning amalga oshirilganligini tasdiqlovchi hujjatlar ilova qilinadi	2022.30.12. gacha va har chorak yakuni bilan	Shahar hokimligi korrupsiyaga qarshi kurashish masalalari bo‘yicha bosh mutaxassisi

**Uchinchi yo‘nalish, davlat tashkilotlari rahbarlarining korrupsiyaga qarshi murosasiz munosabatni ko‘rsatuvchi xatti-harakatlarining mavjudligi**

19.	3.1. Davlat tashkiloti rahbarining xodimlar va jamoatchilik uchun korrupsiyaga qarshi kurashishga oid murojaatining mavjudligi, uning xodimlar e‘tiboriga yetkazilganligi, hay‘at yig‘ilishlari va boshqa yig‘ilishlarda korrupsiyaga qarshi kurashish holatlarining ko‘rib chiqilganligi.	Murojaat e‘lon qilingan manba havolasi, tegishli yig‘ilishlari va boshqa yig‘ilishlar bayonnomasi ilova qilinadi	2022.30.12. gacha va har chorak yakuni bilan	Shahar hokimligi korrupsiyaga qarshi kurashish masalalari bo‘yicha bosh mutaxassisi
20.	3.2. Korrupsiyaga qarshi kurashish bo‘yicha ichki nazorat tuzilmasi tuzilganligi, uning zarur resurslar, shtat birliklari va boshqa moddiy-texnik baza ( <i>xona, mebel jixozlari, seyfyoki metall shkaf, kompyuter texnikasi, printer, telefon internet</i> ) bilan ta‘minlanganligi.	Elektron platformada so‘rovnomma to‘ldiriladi	2022.30.12. gacha va har chorak yakuni bilan	Shahar hokimligi korrupsiyaga qarshi kurashish masalalari bo‘yicha bosh mutaxassisi
21.	3.3. Davlat tashkilotlari rahbarlari va ularning o‘rinbosarlari tomonidan OAV va tadbirlarda korrupsiyaga qarshi kurashish bo‘yicha chiqishlar.	Ma‘lumotlar va materiallar havolasi ilova qilinadi	2022.30.12. gacha va har chorak yakuni bilan	Shahar hokimining matbuot kotibi - Axborot siyosati masalalari bo‘yicha maslahatchisi

**To‘rtinchi yo‘nalish, xodimlarning korrupsiyaga qarshi kurashishga oid ichki tartib-taomillardan xabardorligi hamda ushbu sohada bilim va ko‘nikmalarini oshirish bo‘yicha tadbirlarning amalga oshirilganligi**

22.	<p>4.1. Xodimlarning korrupsiyaga qarshi kurashish bo‘yicha ichki tartib-taomillardan xabardorligi</p> <p>4.1.1. Xodimlarning korrupsiyaga qarshi kurashish bo‘yicha ichki idoraviy hujjatlar bilan tanishganlik holati hamda korrupsiyaga qarshi talablar va tartib-taomillarga rioya etilishi.</p>	<p>Korrupsiyaga qarshi ichki idoraviy hujjatlar bilan tanishganligini imzosi bilan tasdiqlagan xodimlar ro‘yxati, xodimlarning korrupsiyaga qarshi asosiy talablar va tartib-taomillardan xabardorligi yuzasidan yakuniy monitoring natijalari hamda ushbu talablar va tartib-taomillarga rioya etilishi ustidan nazorat yakunlari ilova qilinadi</p>	<p>2022.30.12. gacha va har chorak yakuni bilan</p>	<p>Shahar hokimligi korrupsiyaga qarshi kurashish masalalari bo‘yicha bosh mutaxassisi</p>
23.	<p>4.2. Xodimlarning korrupsiyaga qarshi kurashish sohasida bilim va ko‘nikmalarini oshirishga qaratilgan tadbirlarning amalga oshirilganligi</p> <p>4.2.1. Hisobot yilida xodimlarning korrupsiyaga qarshi kurashish bo‘yicha bilim va ko‘nikmalari oshirilganligi.</p>	<p>Korrupsiyaga qarshi kurashish bo‘yicha umumiy va maxsus o‘qitishga doir ma‘lumotlari (tasdiqlangan ro‘yxat) va tahlil natijalari ilova qilinadi</p>	<p>2022.30.12. gacha va har chorak yakuni bilan</p>	<p>Shahar hokimligi korrupsiyaga qarshi kurashish masalalari bo‘yicha bosh mutaxassisi</p>

24.	4.2.2. Davlat tashkiloti xodimlarini korrupsiyaga qarshi kurashish bo'yicha tayyorlash va qayta tayyorlashga oid maxsus o'quv dasturlari, qo'llanmalar mavjudligi.	Korrupsiyaviy xavf-xatar yuqori bo'lgan lavozimda ishlovchi va boshqa xodimlarni, shu jumladan, ishga yangi qabul qilingan xodimlarni korrupsiyaga qarshi kurashish bo'yicha tayyorlash, qayta tayyorlashga oid maxsus o'quv dasturlari, qo'llanmalar ilova qilinadi	2022.30.12. gacha va har chorak yakuni bilan	Shahar hokimligi korrupsiyaga qarshi kurashish masalalari bo'yicha bosh mutaxassisi
25.	4.2.3. Ishga yangi qabul qilingan xodimlarning korrupsiyaga qarshi kurashish bo'yicha bilim va ko'nikmalarini oshirish tizimining mavjudligi.	Ishga yangi qabul qilingan xodimlarning korrupsiyaga qarshi kurashish bo'yicha bilim va ko'nikmalari oshirilganligi bo'yicha kadrlar bo'limi tomonidan tasdiqlangan ma'lumotlar ilova qilinadi	2022.30.12. gacha va har chorak yakuni bilan	Shahar hokimligi korrupsiyaga qarshi kurashish masalalari bo'yicha bosh mutaxassisi
26.	4.2.4. Korrupsiyaga qarshi kurashish masalalari bo'yicha treninglar o'tkazish: barcha xodimlar uchun; korrupsiyaviy xavf yuqori darajada bo'lgan funksiyalarni bajaruvchi bo'linmalar uchun.	Kadrlar bo'limi tomonidan tasdiqlangan o'qitish turlari, shakllari, o'qitilgan xodimlar soni hamda ularning lavozimi va bo'linmalari ro'yxati jadval shaklida ilova qilinadi		Shahar hokimligi korrupsiyaga qarshi kurashish masalalari bo'yicha bosh mutaxassisi

**Beshinchi yo‘nalish, korrupsiyaga qarshi kurashish bo‘yicha tegishli soha yoki tarmoq kesimida aholining huquqiy ongi va huquqiy madaniyatini yuksaltirish, ushbu illatga nisbatan murosasiz munosabatni shakllantirishga qaratilgan targ‘ibot tadbirlarining samaradorligi**

27.	5.1. Korrupsiyaga qarshi kurashish mavzusida tashkil etilgan tadbirlar soni.	Statistik ma'lumotlar (oldingi yil shu davri bilan taqqoslama) ilova qilinadi	2022.30.12. gacha va har chorak yakuni bilan	Shahar hokimligi korrupsiyaga qarshi kurashish masalalari bo'yicha bosh mutaxassisi
28.	5.2. Korrupsiyaga qarshi kurashish mavzusida tashkil etilgan tadbirlarning qamrov darajasi.	Statistik ma'lumotlar (ishtirokchilar soni, hududiy qamrov) ilova qilinadi (oldingi yil shu davri bilan taqqoslama)	2022.30.12. gacha va har chorak yakuni bilan	Shahar hokimligi korrupsiyaga qarshi kurashish masalalari bo'yicha bosh mutaxassisi
29.	5.3. Korrupsiyaga qarshi kurashishga oid tarqatilgan ko'rgazmali materiallar, qo'llanmalar, ijtimoiy audio va videoroliklar soni.	Statistik ma'lumotlar (oldingi yil shu davri bilan taqqoslama) ilova qilinadi	2022.30.12. gacha va har chorak yakuni bilan	Shahar hokimligi korrupsiyaga qarshi kurashish masalalari bo'yicha bosh mutaxassisi

Izoh: tanlov asosida xodimlarning korrupsiyaga qarshi ichki hujjatlardan xabardorligi bo'yicha zamonaviy axborot-kommunikatsiya vositalaridan foydalangan holda suhbat o'tkazishi mumkin.